

擺銅鑼叉鎗藤棍下鄉催糧逼取私債准折
田產屋室女宿婦女擅往詞狀無所不為稍
有不從尋風陷害及有無應無恥武職官員
圖其酒食飽醉財賄往來結為親戚契愛間其冠婚
喪祭各官輒離城池乘坐轎馬撐駕花舡擺列軍器
吹打動使到家或詣所拜祭與光耀門風欺押小民遇
有開毆爭占產業報仇等項輒便差軍前未與其用
強取勝論其違法不能盡數如蒙乞

勅部察院轉行巡按御史等官出榜禁約冠帶散官不許仍前虛
法欺害良善如違許被害之人告發即將冠帶
革去為民其武職官員擅用軍器私弊軍餘
與作人情告舉降調別處以儆其餘
前件行巡按御史禁約

一件禁革豪強以除民患浙江嚴州府壽昌縣省祭官吳
貴言臣切見本處納粟義民俱蒙

朝廷加以獎勵賜以冠帶榮其終身免其雜泛差役先年有
為事者俱照貪污官吏問發革去冠帶所以人知
警懼不敢害民近來以來荷蒙

一視同仁有為事義官止坐本罪俱不革去冠帶自合夙
夜兢懼謹守法度保全身家却乃妄意妄為害
良善動輒乘坐轎馬帶領僕伴三五成群跟隨出入
恃豪富而謀占小民田產強牽牛馬准折良家子
女為奴甚至平治墳墓拋棄骨殖而侵占貧
民風水為業小民只得吞聲忍氣而莫敢言
視其所為蓋因恃以為事而不革其冠帶故也誠
恐各處亦有此弊若不嚴加禁治深為未便如蒙乞

勅送臣計議合無行移各處問刑衙門如有為事義官害小民吞占田產等項若俱照貪污官吏革去冠帶庶使人知警懼而良善獲安矣
前件合准所言

南京內官內使為事仍監候奏請發落例

成化二十三年六月初四日刑部等衙門尚書等官杜

等題為分詣事四川清吏司案呈該南京守備內官等監太監錢能等題據祝芳狀告係南京內織染局長使內使祝全義男有父祝全為織造

詔勅不依式該印綬監奏奉

欽依內事理轉行南京刑部四川清吏司將父行提在官問擬
徒罪監候奏

請發落切思同起經手官匠南京工部主事等官施恕等亦因前事問罪未及十日俱各審允復正職役惟父祝全只得奏請至日歸結又禁在監即今炎薰時月獄中人犯數多有父見患潮熱誠恐傳染疫氣致悞性命不便等因具告得此議得內官內使所犯事情有輕重比與文武